



Broj: 16-12-16-1454-11/24
I. Sarajevo, 21.03. 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14 i 59/22), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije od 18.03.2024. godine, na preporuku Komisije za nabavke za potrebe Državne agencije za istrage i zaštitu u 2024. godinu broj 16-12-16-1454/24 od 19.03.2024. godine, u postupku javne nabavke rezervnih djelova sa uslugom ugradnje, popravke i održavanja službenih vozila Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke rezervnih djelova sa uslugom ugradnje, popravke i održavanja službenih vozila Državne agencije za istrage i zaštitu

Član 1.

U postupku javne nabavke rezervnih djelova sa uslugom ugradnje, popravke i održavanja službenih vozila Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2024. godinu, broj 16-12-16-1454/24 od 19.03.2024. godine, okvirni sporazum na period od tri godine, dodjeljuje se za:

- LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, ponuđaču „KLIMACENTAR“ d.o.o. Sarajevo, ponuda broj 16-12-16-1454-4/24 od 28.02.2024. godine, za ponudenu cijenu u iznosu od 77.989,99 KM bez uračunatog PDV-a;

- LOT 2 - Nabavka rezervnih dijelova sa uslugom ugradnje, popravke i održavanje službenih vozila Agencije marke Ssangyong Rexton, Mazda, Mercedes, Toyota, Hyundai i KIA, na području Sarajeva, Ilidže, Vogošće, Istočnog Novog Sarajeva i Istočne Ilidže, ponuđaču „KLIMACENTAR“ d.o.o. Sarajevo, ponuda broj 16-12-16-1454-5/24 od 28.02.2024. godine, za ponudenu cijenu u iznosu od 25.984,99 KM bez uračunatog PDV-a;

- LOT 3 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Fiat, Opel, Citroen, Hyundai, Peugeot i Škoda, na području Banja Luke, ponuđaču „AUTO-KOMERC VS“ d.o.o. Banja Luka, ponuda broj 16-12-16-1454-6/24 od 01.03.2024. godine, za ponudenu cijenu u iznosu 29.911,45 KM bez uračunatog PDV-a.

Član 2.

(1) Ponuđač „KLIMACENTAR“ d.o.o. Sarajevo obavezan je ugovornom organu dostaviti dokaz o ispunjavanju uslova iz tač. 12.1. Tenderske dokumentacije odnosno izvod ili potvrdu iz kaznene evidencije Suda BiH, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan.

(2) Dokaz iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-1454-1/24 od 08.02.2024. godine pokrenut je postupak javne nabavke rezervnih djelova sa uslugom ugradnje, popravke i održavanja službenih vozila Agencije, procijenjene vrijednosti 185.000,00 KM bez uračunatog PDV-a, za koji je obavještenje o javnoj nabavci broj 1161-1-1-39-3-51/24 objavljeno na Portalu javnih nabavki od 16.02.2024. godine i u „Službenom glasniku BiH“, broj 14/24 od 23.02.2024. godine. Novčana sredstva za realizaciju nabavke obezbijedena su u okviru budžetskih sredstava za 2024. godinu, a na osnovu Instrukcije o privremenom finansiranju institucija Bosne i Hercegovine za period januar - mart 2024. godine broj 04-16-2-9002-1/23 od 28.12.2023. godine i Dokumenta okvirnog budžeta 2024. - 2026. godina. Za navedeni postupak javne nabavke predviđena je e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Predmet javne nabavke podijeljen je na lotove:

- LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 120.000,00 KM bez uračunatog PDV-a;

- LOT 2 - Nabavka rezervnih dijelova sa uslugom ugradnje, popravke i održavanje službenih vozila Agencije marke Ssangyong Rexton, Mazda, Mercedes, Toyota, Hyundai i KIA, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 35.000,00 KM bez uračunatog PDV-a.

- LOT 3 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Fiat, Opel, Citroen, Hyundai, Peugeot i Škoda, na području Banja Luke, procijenjene vrijednosti 30.000,00 KM bez uračunatog PDV-a;

Obzirom da je tačkom 24. Tenderske dokumentacije navedeno da je rok za dostavljanje ponuda 11.03.2024. godine do 12,00 sati, te da se ponude dostavljaju u zatvorenoj koverti, Komisija je dana 11.03.2024. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno sedam ponuda i to:

R/B	Naziv ponuđača	LOT	Ponudena cijena bez uračunatog PDV-a
1.	„KLIMACENTAR“ d.o.o. Sarajevo	LOT 1	115.687,08 KM
2.	„KLIMACENTAR“ d.o.o. Sarajevo	LOT 2	32.984,56 KM
3.	„AUTO-KOMERC VS“ d.o.o. Banja Luka	LOT 3	29.911,45 KM
4.	„AUTODELTA“ d.o.o. Sarajevo	LOT 1	119.648,76 KM sa uključenim popustom od 8%
5.	„GUMA M“ d.o.o. Sarajevo	LOT 1	117.249,16 KM
6.	„CONNECTA“ d.o.o. Sarajevo	LOT 2	34.968,12 KM
7.	„CONNECTA“ d.o.o. Sarajevo	LOT 1	113.127,94 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je u roku od tri dana dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „KLIMACENTAR“ d.o.o. Sarajevo (LOT 1 i LOT 2), „AUTO-KOMERC VS“ d.o.o. Banja Luka (LOT 3), „AUTODELTA“ d.o.o. Sarajevo (LOT 1), „GUMA M“ d.o.o. Sarajevo (LOT 1) i „CONNECTA“ d.o.o. Sarajevo (LOT 1 i LOT 2), prihvatljive odnosno ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Tenderske dokumentacije.

Obzirom da je Tenderskom dokumentacijom za postupak javne nabavke rezervnih dijelova sa uslugom ugradnje, popravke i održavanja službenih vozila Agencije predviđeno provođenje e-aukcije u skladu sa Pravilnikom, da su za LOT 1 zaprimljene četiri prihvatljive ponude ponuđača „KLIMACENTAR“ d.o.o. Sarajevo, „AUTODELTA“ d.o.o. Sarajevo, „GUMA M“ d.o.o. Sarajevo i „CONNECTA“ d.o.o. Sarajevo, a da su za LOT 2 zaprimljene dvije prihvatljive ponude ponuđača „KLIMACENTAR“ d.o.o. Sarajevo i „CONNECTA“ d.o.o. Sarajevo, Komisija je zakazala e-aukciju za dan 18.03.2024. godine i to za:

- LOT 1 u 11,00 sati u trajanju od 20 minuta i
- LOT 2 u 11,30 sati u trajanju od 20 minuta.

Komisija nije zakazivala e-aukciju za LOT 3 u skladu sa članom 4. stav (2) Pravilnika, imajući u vidu da je za LOT 3 dostavljena jedna prihvatljiva ponuda, već je postupak javne nabavke za navedeni lot okončan u skladu sa članom 64. stav (1) tačka b) Zakona, primjenjujući kriterij najniže cijene iz tačke 21. Tenderske dokumentacije, te je sačinila rang listu ocijenjene ponude, kako slijedi:

R/B	Naziv ponuđača	LOT	Ukupna cijena bez uračunatog PDV-a
1.	„AUTO-KOMERC VS“ d.o.o. Banja Luka	LOT 3	29.911,45 KM

Prema Izvještaju o toku i završetku e-aukcije od 18.03.2024. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„KLIMACENTAR“ d.o.o. Sarajevo	77.989,99 KM	1
2.	„CONNECTA“ d.o.o. Sarajevo	78.764,91 KM	2
3.	„GUMA M“ d.o.o. Sarajevo	81.000,00 KM	3
4.	„AUTODELTA“ d.o.o. Sarajevo	91.000,00 KM	4

Prema Izvještaju o toku i završetku e-aukcije od 18.03.2024. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„KLIMACENTAR“ d.o.o. Sarajevo	25.984,99 KM	1
2.	„CONNECTA“ d.o.o. Sarajevo	26.895,00 KM	2

Shodno izvještajima o toku i završetku e-aukcije od 18.03.2024. godine za LOT 1 i LOT 2, Komisija je utvrdila da je za navedene lotove bilo snižavanje cijena u rasponu od 0,1% do 10% od ponuđene cijene u skladu sa članom 8. Pravilnika.

Komisija je nakon provedenog postupka ocjenjivanja dostavljenih ponuda, utvrdila da je ponuda ponuđača „KLIMACENTAR“ d.o.o. Sarajevo ocijenjena kao najpovoljnija ponuda za LOT 1 i LOT 2 i da je ponuda ponuđača „AUTO-KOMERC VS“ d.o.o. Banja Luka ocijenjena kao najpovoljnija ponuda za LOT 3, te da iste ne premašuju procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije, te odlučeno da se okvirni sporazum na period od tri godine, u postupku javne nabavke rezervnih djelova sa uslugom ugradnje, popravke i održavanja službenih vozila Agencije, dodijeli ponuđaču „KLIMACENTAR“ d.o.o. Sarajevo za LOT 1 i LOT 2 i ponuđaču „AUTO-KOMERC VS“ d.o.o. Banja Luka za LOT 3, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 5x;
- Sektoru za mat.-fin. poslove;
- a/a.

